

ՀԱՅԿԱԿԱՆ ՀԱՐՍԱՆՆԵԿԱՆ ՄԻ ԾԻՍԱԿԱՏԱՐՈՒԹՅԱՆ ՄԱՍԻՆ

Հարսանիքը մարդկայն կյանքում ծիսական կարևորագույն երևույթներից մեկն է: Այդ իրադարձությունը նշանավորելու համար ժողովուրդը ընտրել է օրերի երջանկաբեր թիվ, քառասուն օր ու գիշեր թագավորների և իշխանավորների, յոթ կամ երեք օր ու գիշեր հասարակ ժողովրդի համար: Տարածվածը յոթ կամ երեք օր ու գիշերն է, իսկ քառասուն օր ու գիշերը, որ բանահյուսական տվյալ է, հավանաբար սովորույթի ուժով ստեղծված կրոնական պաշտամունքային (սոկրալ) թիվ է: Օրերի քանակը, սակայն, չէր փոխում հայկական հարսանիքի պատկերը: Տարբերությունը կատարվող արարողությունների ճոխության և աղքատության մեջ էր, այսինքն նյութական էր: Ծիսական առումով հարսանիքան ցիկլը նույնն էր: Ուշադրության առարկա հանդիսացող հավթոունքի ծեսը հարսանիքում կատարվում էր նախավերջին օրը: Ազգագրական տարբեր շրջաններում այն ուներ տարբեր անվանում: Հավթոունք կոչվում էր Բասենում, Շիրակում, Ղարսում, Ապարանում, Ջալախքում կոչվում է հավթոունք, նույն Բասենում, Շիրակում, Ղարսում կոչվում է նաև որս, հորս, ֆորս, Սպահանում՝ հավագուլս, Սասունում՝ խավթոունք, Հին Ջուղայում՝ որս տալ, Դարալագյազում՝ որս, Երզնկայում՝ հավթոունք, նոր Բայազետում՝ ործի իրիկուն, կամ ործի գիշեր, կամ ուղղակի ործ, Գողթնում՝ ուրս, Գանձակում, Բալուում, Լոռիում, Բորչալուում թագվորահորս, Մուշում՝ ործ զարնել և այլ տերմիններով:

Հայաստանի ազգագրական շրջանների մեր ձեռքի տակ եղած հավթոունքի տեսարաններից ամենահինը Երզնկայի Դերսիմ ավանինն է: Մեսը տեղի է ունենում կնքահոր տանը, մասնակիցները բացի կնքահորից միայն ազապներն են: Ազապաշու գլխավորությամբ վերջիններս սկսում են աշխույժ և առնական շուրջպար: Պարի թեժ պահին զուռնաչին դադարեցնում է նվագը, յսվում են միայն թմբուկի համաշափ զարկերը: Ազապները վերցնելով իրենց տնից բերած հավերը, աչ ձեռքի երեք մատներով պոկում են հավի գլուխները և նետում պարի հրապարակ: Նորից հնչում է զուռնայի ձայնը, հավերը թփրտում են, իսկ պարաշղթան պտույտ է գործում նրանց շուրջը: Ծթն ազապներից որևէ մեկը չկարողանա պոկել հավի գլուխը, մեծ անպատվություն է, նա դուրս է գալիս պարից և հավթոումի ճաշկերույթից: Այդպիսի երիտասարդին գյուղից աղջիկ չեն տալիս¹: Ինչպես ցույց է տալիս այս հավթոումի տեսարանը, Դերսիմի հարսանիքում իր նախնական ձևով պահպանվել են ազապների միության, հավի մատաղման և նրա պաշտամունքի տարրերը: Ազգագրական մյուս շրջանների օրինակները գալիս են հաստատելու նույնը: Գողթնի գաղառում հարսանիքի նախավերջին օրվա երեկոյան մակարները (ազապները) դուրս են գալիս բակը և վերցնելով հարսի տնից ուղարկած հավը և քավորի դաշույնը հերթով պարում են, ատամներով պոկելով հավի փետուրները և նետելով դեպի վեր: Վերջում պարում է «թագավորը» թուրը ձախ, հավը՝ աչ ձեռքին բռնած, և ավարտում է պարը հավի վիզը սրով կարելով: Մակարները «կեցցեն» բացականչություններով գրկում, վեր են բարձրացնում «թագավորին»², Վայոց ձորում այս ձևը կատարվում է թագուհուն պարեցնելու ժամանակ: «Թագավորը», քավորը և փեսայի եղբայրը բարձրանում են տանիքը, «թագավորը» քավորի թրով այնպես է թռցնում հավի գլուխը, որ այն ընկնում է պարողների շրջանի մեջ³: Շիրակում նույնպես պսակաճաշի երեկոյան ազապները փեսայի, խաչեղբոր հետ դձու-զուռնայով հավաքվում են փեսայի տան կտուրը: Մեսը կատարելուց հետո նրանք զլխատված հավերը նետում են ցած, որ սանտիկինը եփի: Հավերն ուտելուց հետո, բոլորն առանց խորության շուրջպար են լուսնում և մինչև ուշ գիշեր պարում են, ապա նոր հարսին պարի հրավիրում⁴, Շատախում աղապները փեսայի տան կտուրին կամ դռանը հավն ու թուրը ձեռքներին

1 Ազգագրության սեկտորի արխիվ, Գ. Հալաչյան, «Երզնկայի Տերսիմ ավան», էջ 111:

2 «Ազգագրական հանդես», 1905, գիրք 12, էջ 133:

3 «Ազգագրական հանդես», 1906, N 1, գիրք 13, էջ 163:

4 Վ. Ա մ ա տ ու ն ի, Ժողովրդական բանավոր գրականություն, Մոսկվա, 1901, էջ 238:

պարելուց հետո՝ մորթում են հավերը, կամ, ինչպես իրենք են ասում, արուն են թափում, որ փեսեն ղոշաղ ըլնի»։ Այնուհետև, ճկույթ-ճկույթի տված, նաղարայի նվագակցությամբ, երգելով երկու քայլ առաջ են գնում, մեկ քայլ ձախ, և այսպես աստիճանաբար պարի և երգի տեմպը արագացնելով, վեր են ածում թռնոցիի⁵։ Վարանդայում հավը քավորի տնից են բերում։ Մական-ներից մեկը հավը, մյուսը դաշույնը ձեռքին պարում են, ապա ծեսը կատարելու համար դաշույնը տալիս են քավորին, հավը՝ «թագավորին» և այդ ընթացքում «ուռա» բացականչություններով գովում են «թագավորի» քաջությունը⁶։ Բուլանդխում հավի գլուխը թոցնելուց առաջ «թագավորը» բռնեցքի հարվածով պետք է կոտորի առջևը գրած կավե ամանը⁷։ Սրանով այլաբանորեն խորհրդանշվում է «թագուհուն» կուսություն վերացումը։ Ապարանում և Զավախքում հավթռունքը կատարվում է «թագավորի» տանը, հարսին տուն բերելիս։ Ապարանում այս ծեսից մնացել է տարրական մի սովորություն՝ ազապներից մեկը թրով թոցնում է մի հավի գլուխը⁸։ Զավախքում, երբ թագավորամայրը դուրս է գալիս և ընդունում է նորասյուսակներին, խոհարարուհին թագավորցիներին (ազապներին) հավ է տալիս, և նրանցից մեկը դաշույնի մի հարվածով պետք է թոցնի հավի գլուխը, եթե այս անգամ կարողացավ, ծեսը վերջանում է, իսկ եթե ոչ՝ շարունակվում է նույն կարգով⁹։ Հին Զուղայում որս տալը կատարվում է երկուշաբթի օրը։ «Թագավորի» տան բակում, գորգի վրա քավորը խաչաձև դնում է սուրն ու պատյանը և մի բաժակ գինի։ «Թագավորը» երեք անգամ ծունր է դնում և գինին խմում։ Ազապաշին տալիս է նրան հարսի հայրական տնից բերած հավը, «թագավորը» զլխատում է։ Ազապները մորթում են իրենց տնից բերած հավերը¹⁰։ Սպահանի Չահարմահալ գավառում «թագավորի» մոտիկ բարեկամները բերում են տաս-տասնհինգ հավ և աքաղաղ ու տալիս են վարսավիրին, որը բռնում է դրանց ոտքերից զլխվայր, իսկ «թագավորն» ու ազապները սրի հարվածով թոցնում են գլուխները¹¹։ Սասունի Նլաթ գյուղում «թագավորը» դիք (աքաղաղ), ազապները հավ են խաղացնում և գլուխը թոցնում։ Մի տղա փախցնում է «թագավորի» աքաղաղը, ազապները վազում են հետևից և խլիվում են միմյանց ձեռքից։ Աքաղաղն ու հավերը հանձնում են տանտիկնոջը, որը դրանք եփում և ճաշկերույթ է տալիս։ Ճաշից հետո, ողջ գիշերը մինչև աքաղաղի կանչելը պարում են։ Հենց որ աքաղաղը երեք անգամ կանչում է, «թագավորին» ու «թագուհուն» պարի են հրավիրում։ Պարն ավարտելուց հետո հավաքում են հավերի ոսկորները, շարում թելի վրա և որպես նվեր զցում են հարսնեղբոր վիզը¹²։ Գանձակում «թագավորաորսը» տեղի է ունենում գերեզմանատանը։ Որեկոյան այդ հավից պատրաստած ճաշով հյուրասիրում են փեսային ու մականներին¹³։ Նոր Բայազետում հարսի տնից բերում են մի ուշխար, զառ կամ սագ, մականների տնից մի-մի հավ։ «Թագավորը» զառ, ուշխար կամ սագ է մորթում, մականները՝ հավ¹⁴։ Հավթռունքի ծեսի Նոր Բայազետի տարբերակը հավանաբար ավելի ուշ շրջանի արտահայտություն է, որովհետև այստեղ նկատելի է սոցիալական շերտավորման և դրան համապատասխան մատաղվող կենդանու արժեքի հարցը։ Ընդհակառակն այս ծեսի պաշտամունքային կողմը ուժեղ ձևով պահպանվել է Շիրակի, Ղարսի, Բասենի գյուղերում։ Այստեղ հավերը ժողովում են ազապները։ Առաջինը «թագավորն» է մորթում, և այդ հավը պետք է պսակված մարդիկ ուտեն, մեկական հավ տալիս են քահանային, քէհինին (ճաշերը պատրաստողին), քուռնաչուն, «թագավորին» ու «թագուհուն», իսկ մնացածները ազապներին¹⁵։ Հավթռունքի ծեսը այլ երանգ է ստանում Դարալագյազի շրջանում։ Այստեղ հարսանիքի վերջին օրը տեղի է ունենում «կաթավի որս»։ Հարսանիքի վերջում խնջույքը ճոխացնելու համար ազապները գինված բազեներով, շճերով և ձիերով գնում էին որսի։ Կաթավին լազին էր որսում, ազապները որսը կաղմակերպողներն էին¹⁶։

5 Անահիտ Զաքարի Մարդարյան, ծնվ. 1897 թ., Շատախցի։

6 «Ազգագրական հանդես», 1897, գիրք Բ, էջ 135։

7 «Ազգագրական հանդես», 1899, № 1, էջ 112։

8 Գ. Հ. Մ. Ս. Կ. Յ. Ն. Փշրանքներ ժողովրդական բանահյուսությունից, Թիֆլիս, 1892, էջ 51։

9 «Ազգագրական հանդես», 1895, հատոր Ա, էջ 256։

10 «Ազգագրական հանդես», 1901, գիրք 7 և 8, էջ 198։

11 «Թագավապ», Սպահանի Չահարմահալ գավառը, 1924, էջ 334։

12 «Էմինյան ազգագրական ժողովածու», 1906, Վաղարշապատ, հատոր 2, էջ 382։

13 «Ազգագրական հանդես», 1900, 2 գիրք, էջ 263։

14 «Ազգագրական հանդես», 1907, գիրք 16, էջ 27։

15 «Ազգագրական հանդես», 1901, գիրք 7 և 8, էջ 198։

16 «Փորձ», 1881, № 6, Դարալագյազիների հարսանիքը։

Կաթավի և այլ թռչունների որսի մասին հիշատակություններ հայերի մոտ կա ամենահին ժամանակներից: Հայտնի է, որ հեթանոս հայերը Արամազդին ու Անահիտին, ինչպես նաև Ամանորին նվիրված տոնակատարությունների ժամանակ աղավնիներ էին թողնում, թռչուններ որսում: «Որսորդութիւնք երէոց եւ հավուց մէկ կողմէն, իսկ միւս կողմէն ալ խաղէր եւ երաժշտութիւններ վեց օր վեց դիշեր զհամաշխարհի եկուորսն կը դրաղեցնէին»¹⁷ Մովսես Խորենացու վկայությամբ, թռչնորսությամբ դրաղվիլ են մեր թագավորներն ու նախարարները¹⁸: Կաթավի որսի որոշակի նկարագրություններ կան Ղաղար Փարպեցու մոտ¹⁹ և այլուր: Կաթավի որսի լայն տարածումը հայկական կենցաղում այլաբանությունների տևիք է տվել, արտահայտվել է հայ բանավոր սյուզդիայի՝ հատկապես հայրենների շարքում, որպես սիրահար զույգերի՝ կաթավի և բազնի փոխհարաբերություն: Պատմությունից հայտնի է, որ հին ժամանակներում ամուսնությունը տեղի էր ունենում կամ առևանգման, կամ դնման միջոցով: Բանավոր պոեզիայում աղջկան իր ցեղից առևանգելը արտահայտվել է բազնի կողմից կաթավին որսալու այլաբանությամբ: Արտաշես թագավորին նվիրված վեպում Խորենացին նկարագրում է Արտաշեսի «որպես զարծուի սրաթև ընդ դետն» անցումը և ալանների դուստր Սաթենիկի առևանգումը: Առևանգմամբ ամուսնությունը մեր ժողովրդի բնորոշ կենցաղային դժբերից է եղել: Դրա ապացույցներից են նաև վերջինիս դեմ սահմանված օրենքները (Վաղարշապատի եկեղեցական ժողովը 325 թ. և Շահապիվանի ժողովը 447 թ.), ինչպես նաև հարսանեկան երգերն ու սյարերգերը, որոնցից շատ շատերում պարզորոշ կերպով գովերգվում կամ ներկայացվում է առևանգումը:

Ազգագրական շրջանների հավթոունքի նկարագրությունները հիմնականում ցույց են տալիս Հայաստանում երբեմնի կենցաղավորված երկու կարգի երևույթ: Առաջինը ամուսնիների միության վերասյուններն են, ուր ուսումնառության շրջան է անցնում ապագա «թագավորը» և հասնում լիակատար հասունության՝ ամուսնության իրավունք է ձեռք բերում: Ինչպես տեսնում ենք վերևում նշված օրինակներում, «թագավորը» միշտ հաղթանակող է, արժանի խրախուսանքի: Ինչպես հարսանիքի ողջ ընթացքում, այնպես էլ հավթոունքի ձեսի ժամանակ ասպարեղ է տրվում ամուսնացող երիտասարդին հոգու բարձրագույն կարելիությունների դրսևորման համար, ինչպես նաև ամրացվում է նրա հավատը սեփական ուժերի նկատմամբ՝ նախապատրաստելով նրան ամենադժվարին ու կարևոր քննության՝ ամուսնուիլյան: Հավթոունքի ձեսի հետ կապվող մյուս հարցը թռչունների երբեմնի գոյություն ունեցող պաշտամունքի հետքերն են, որ առկա է ոչ միայն հարսանիքում, այլև հայ հոգևոր և մտավոր ողջ ժառանգության մեջ: Հավթոունք բառը, ըստ Հայկապյան բառարանի²⁰, բացատրվում է որպես հավի որս, մեկ այլ տեղ «Իշխան, թագավոր ուխտի, մայիսի 7-ին, հավ են թողնում մեծ բազմությամբ»²¹:

Հայտնի է, որ հավը զրաբարում նշանակում էր և հավ և աքաղաղ և ընդհանրապես ամեն տեսակի թռչուններ, հավքեր, ինչպես նաև մոտ և հեռու նախնիներ: Հավ հասկացողությունը միաժամանակ կապվում էր հայ հնագույն պաշտամունքային ձևերի հետ: Դրա արգասիքն է, որ ընդհանրապես թե՛ հայերի, և թե՛ աշխարհի բոլոր ժողովուրդների հարսանիքներում առանց աղավնի թողնելու, հավ և աքաղաղ մատաղելու ու միսը ճաշակելու տոնախմբություն լինել չէր կարող: Ավելին, հարսանեկան ձեսերում խստորեն պահպանվում էր այն կարգը, թե ով և երբ կարող է հավի միս ուտել: Իմաստից զուրկ չէր նաև հարսանիքում կամ ընդհանրապես հայկական ձեսերում օգտագործվող հավի գույներ: Մանկական խաղերի շարքում կան հաճախակի հանդիպող այսպիսի տողեր.

«Թո՛ւի, թո՛ւի թոցնեմ

Սև հավի միս կերցնեմ» և այլն:

Հարսանիքում հարսի և «թագավորի» պատվին մատաղվող հավերը մեծ մասամբ սպիտակ են, հավթոունքին «թագավորի» մորթած աքաղաղը կամ հավը՝ սև, «թագավորի» և «թագուհու» զխի վրա բաց թողնվող աղավնիները՝ սպիտակ: Ժողովրդական մտածողությամբ աղավնին սիրո, պաշտպանության նախամայրն է. ասվում է սիրվելը, դունդունալը աղավնուց է մնա-

17 Հ. Բ. Ս ա ռ զ ս յ ա ն, Աղաթանգեղոս և յուր բազմադարյան զաղտնիքը, Վենետիկ, 1890, էջ 112:

18 Խ ո ռ ե ն ա ց ի, Պատմութիւն հայոց, Վենետիկ, 1865, էջ 194:

19 Ղ ա զ ա Ր Փ ա Ր պ ե ց ի, Պատմագիրք հայոց, Թիֆլիզ, 1904, էջ 10—11:

20 «Նոր բառագիրք Հայկազեան լեզվի», հատոր II, 1837, Վենետիկ, էջ 9:

21 Կ. Գ ա Ր ի կ յ ա ն, Բառագիրք Սերաստահայ զավառալեզվի, 1952, Երուսաղեմ, էջ 336:

զել: Ժողովրդական հանելուկներում հարսն ու փեսան ներկայացվում են որպես «չուխտ աղունակ վանումը»--: Ընդհանրապես շատ ժողովուրդների մոտ մի շարք աստվածություններ առաջ են դալիս թույլ տոտեմից: Աղավնին անբաժան է նաև Անահիտի, Աստղիկի պաշտամունքից: Հետագայում՝ բրիտանեոլոգիայի շրջանում ևս աղավնին շարունակում է մնալ որպես հարսնության խորհրդանիշ: Գրիգոր Նարեկացին «Մեկնություն երգոց երգոյն Սողոմոնի» աշխատության մեջ նորաձարսին համեմատում է աղավնու հետ, վերջինիս մաքրության, անմեղության և հավատարմության հատկանիշներով: Եթե ժողովրդական մտածողությամբ աղավնիները որպես սիրահարներ հարսն ու փեսան են, ապա հավը կապվում է հարսի, իսկ աքաղաղը՝ «թագավորի» հետ: Արձիկում հարսին զուգելուց, «թագուհի» կանգնեցնելուց առաջ երբ լողացնում են, նա տաշտի մեջ թույլնի պար է պարում, ձեռներով թույլնի շարժումներ անելով²³, իսկ երբ «թագավորն» ու «թագուհին» եկեղեցում պսակվելուց հետո տուն են վերադառնում, զոռն շեմին մատաղում են աքաղաղ կամ ոչխար: Ծվածքում (Իզմիտ) «թագավորը» երբ ոտք է զնում հարսի շեմը, նրա աչ ոտքի վրա աքաղաղ են մատաղում, սա «թագավորի» կողմնակիցների բաժինն է, իսկ երբ հարսն է ոտք զնում իր նոր ոչխարի դռանը, նրա աչ ոտքի վրա հավ են մորթում, սա էլ հարսնախայերներին է պատկանում²⁴: Շամախիում «թագավորը» հենց ներս է մտնում «թագուհու» տուն, խոհարարուհին նրա առաջ եփած հավ է դնում²⁵: Զանգեզուրում հարսնախոսության զնալիս տղայի մայրը համեմունքներով տապակած հավ է տանում²⁶: Վասպուրականում «թագավորի» տան առաջ են զոհում ոչխար կամ հավ²⁷: Հավ անպայման լինում է Հայաստանի բոլոր ազգագրական շրջանների «թագավորներին» բերած նվիրատվությունների մեջ: Սիսիանում առաջատի մոտ դրվում է եփած հավ²⁸: Զիվանշիրի գավառում հարսի տանը «բեկին» (այդպես են կոչում այստեղ «թագավորին»), որպես բերանբացուկ, բերվում է խանխորուզի (փեսայի աքաղաղ)²⁹: Զանգեզուրում փեսայի հայրը կամ մեծերից մեկը եփած հավ է տանում քավորին և հրավիրում հարսանիք³⁰: Վարանդայում գլխավային էլ են հավ տանում³¹: Ապարանում «թագավորը» իր ազապներով ձեռքներին մի-մի մոմ բռնած ընկնում էին բարեկամների տները և զոռն առաջ գոռում՝ «Խառն ի թագավորին», մեկ ուրիշը պատասխանում է՝ «Աստծու գառն ի թագավորին», այնուհետև մտնում էին ներս, համբուրում տան ավազ անդամի ձեռքը, մի հավ նվեր ստանում և դուրս գալիս³²: Գողթնում առաջատի մյուս օրը, երբ մակարները կատակով միմյանցից դանդաղում են «թագավորին», նա կտրագործում է իրեն տուգանք մեղադրվածից պահանջել մի հավ: Մակարները բռնում են մեղադրվածին, ոտքերը շղթայում, կապում սյունից և խողնում այնքան ժամանակ, քանի դեռ չի ստացվել նշանակված տուգանք³³: Բորչալուում, փեսայի տանը կայացած խնջույքի ժամանակ, քուրքը թարս հագած, գլխին քուրդ դրած մեկը շահ է ձառնում, և մարդկանց զանազան մտացածին հանցանքների մեջ մեղադրելով, կապել է տալիս սյունին և հավ է պահանջում որպես փրկագին³⁴: Նոր Նախիջևանում հարսն ու փեսան երբ տուն են մտնում, փեսայի մայրը նրանց դիմավորում է մի զույգ սպիտակափետուր, վզներին կարմիր ժապավեններ կապած աղավնի ձեռքին և արձակում է նրանց գլխի վրայով: Նոր Նախիջևանի գյուղերում աղավնու փոխարեն սպիտակ հավեր են բաց թողնում³⁵: Դարալագյազի գաղթականները կանչի հետևյալ առավոտյան «թագավորին», քավորին և ազապներին սազանդարներով կամ զուռնայով պտտեցնում են բարեկամների տները հավեր ժողվելու, որոնց «ղուշ» են անվանում, այսինքն ընդհանրապես թույլն և փեսայի ծառերի հետ կազմում են «թագավորի» խաղիկան: Երեկոյան «թագավորը», քավորը, ազապները վայելում

22 Ա մ ա տ ու ն ի, Ժողովրդական բանավոր գրականություն, Մոսկվա, 1901, էջ 101:

23 Սրբ. Լիսիցյանի անտիպ նյութերից:

24 «Բյուրակն», 1898, № 25, էջ 473:

25 «Մեղու Հայաստանի», 1866, № 4, էջ 26:

26 «Ազգագրական հանդես», 1898, գիրք 2, էջ 66:

27 «Ազգագրական հանդես», 1910, գիրք 20, էջ 152:

28 «Ազգագրական հանդես», 1898, .., գիրք Ա, էջ 226:

29 «Նոր-Իար», 1890, № 207:

30 «Ազգագրական հանդես», 1898, Դ գիրք, № 2, էջ 74:

31 «Ազգագրական հանդես», 1897, Բ գիրք, էջ 143:

32 Գ. Հ ո վ ս ե փ յ ա ն, Փշրանքներ ժողովրդական բանահյուսությունից, էջ 54:

33 «Ազգագրական հանդես», 1905, գիրք 12, էջ 134:

34 «Ազգագրական հանդես», 1902, գիրք 9, էջ 243:

35 «Ազգագրական հանդես», 1901, գիրք 7 և 8, էջ 84:

են հավերժ ու ծառերի վրայի մրցերն ու քաղցրավենիքը³⁶։ Բորչալուում և Գանձակում «թագավորը» իր ազնվաներով կամ մականներով ընկնում էին պատահած հավերժ հետևից և սպանում։ Հավատներին ոչ մեկը զոհոհություն հայտնելու իրավունք չուներ³⁷։ Հետաքրքրական են Իջևանի շրջանի Աղաջուր գյուղի և Լոռվա հարսանեկան արարողություններից հավի պաշտամունքի հետ կապվող հետևյալ փաստերը։ Իջևանում, երբ հարսի մոր կողմից «թագավորին» է մատուցվում մազա (մրգեր և քաղցրավենիք), եփած հավի հետ միասին, «թագավորին» անմիջապես ստուգում է, հավը արդյոք ամբողջական է, թե ոչ։ Եվ եթե նրա որևէ մասը, ասենք քարածիկը պակասում է, քավորը մեծ տուգանք է տալիս, որ վերադարձնեն³⁸։ Իսկ Լոռիում երբ հարսի մոր կողմից մատուցված հավը քարածիկ չի ունենում, քավորը բարկանում է և քարածիկով հավ է պահանջում ասելով՝ տվածդ հավը քարածիկ չունի, աղջիկդ էլ պակասություն կունենա։ Այլ խոսքով պահանջում է լրիվ հավ և անթերի աղջիկ³⁹։ Հայկական բանասիրության մեջ, հատկապես հեթանոսական հավի քարածիկը իմաստության սիմվոլ էր համարվում և ով որ այն ուտում էր, ենթակա էր մեծ դորձների և հակառակը, պետք է ենթադրել, որ անքարածիկ հավի հաշակումը կարող էր հակադարձ ազդեցություն ունենալ, ինչպես «թագավորին», այնպես էլ նրա «չքախմբի»՝ աղապների վրա, որոնք բաժանում են մազան իրար մեջ հավասար չափով և ուտում։ Հավի պաշտամունքի հետևանք է, որ Վարանդայում «թագավորին» առաջ հետևյալ ձևով պատրաստած հավ են տանում։ Հավը և փեխուց հետո զլուխը նորից կարում են վզին և շամշով շարված թելով փաթաթում են հավին այնպես, որ ամբողջովին պատած է լինում շամշով, ապա մեջքին շամշե թամբ են դնում, փորոտիքն էլ լցնում են համեմունքներով⁴⁰։ Պարզ է, որ այսպիսով ժողովուրդը նպատակ ունի ցույց տալ ոչ թե լոկ բնական հավի պատկերը, այլ պաշտամունքային հասկացողությունների հետ կապված հավի իմաստը։ Թուրքների երբեմնի պաշտամունքի արձագանքներ հայ հողերը և մտավոր մշակույթի պատմության մեջ շատ են։ Թուրքների երբեմնի պաշտամունքի ակնհայտ վերապրուկներ եղել, պահպանվել և մինչև մեր դարասկիզբն են հասել այնպիսի մի նազույն ինստիտուտում, ինչպիսին հարսանիքն է։ Հարսանեկան շատ արարողություններ պայմանավորվում են աքաղաղի կանչով։ Ունիայում կամ Զեյթունում, Սասունում և իսթանուլում հարսանիքի պատրաստությունները, հարսի հետևից դնալը կապվում են արքայականի հետ⁴¹։ Հայաստանի ազգագրական բոլոր շրջաններում հարսին ու փեսային պարի են հրավիրում հարսանիքի վերջին օրը, աքաղաղի երեք բերան կանչից հետո, յուսագեմին և դրանով էլ հարսանիքն ավարտվում է։ Ժողովուրդը աքաղաղի կանչին վերադրել է բարին զուշակող ու ավետող հանգամանք՝ միսը ճաշակելուն և արյանը բուժիչ հատկանիշ։ Խորոզ մեկ արտահայտությունը հայերենում նշանակում է «չատերու մեջ հիվանդութենէ ազատ մնալ»⁴²։ Քանի որ աքաղաղի կանչը կապվում է լույս ու ջերմություն բերող արևածագի հետ, նրան վերադրվել է պտղաբերությանը ոժանդակող և նրա վրա ազդող մեծ ուժ։ Անառիկների ստուգարանությամբ աքաղաղը՝ ործակը ործ էզ բառերի միասնությամբ է և իր մեջ միավորում է կյանքի հարատևության երկու նախապայման⁴³։ Ժողովրդական հանելուկն աքաղաղին տալիս է հետևյալ նկարագիրը.

Թագավոր թագն ի սղոց,

Քեառսուն կին ունի փուղոց,

Ուր կթողու կերթայ այլոց⁴⁴։

Աքաղաղի, որպես պտղաբերության սիմվոլի, խորին խորհուրդն է հավանաբար թաքնված եղել Արևմտահայաստանում կենցաղ դարձած այն սովորության մեջ, երբ կանայք հավերին ու աքաղաղներին կուտ տալիս դեմքը քողարկում էին, հավատալով, որ աքաղաղները պատկանում

36 Նույն տեղում, էջ 200։

37 «Ազգագրական հանդես», 1902, դիրք 9, էջ 244։

38 Ազգագրության սեկտորի արխիվ, է. Կարապետյան, Իջևանի ազգագրությունը, էջ 58։

39 Բանահյուսության սեկտորի արխիվ, Թ. Գևորգյան, Գուգարքի շրջանի բանահյուսության դրառումներ, էջ 210։

40 «Ազգագրական հանդես», 1897, դիրք Բ, էջ 130։

41 Ալազիկյան, Ունիա կամ Զեյթուն, Պոլիս, 1889, էջ 72։

42 Հ. Գևորգյան, Բառապիրք Սեբաստահայ դավառալեզվի, 1952, Երևան, էջ 266։

43 Աճառյան, Քննություն Ղարաբաղի բարբառի, 1899, Վաղարշապատ, էջ 82։

44 Շերենց, Վանա սաղ, 1885, I մաս, Թիֆլիզ, էջ 140։

